



Sarajevo, 12.08.2020. godina  
Broj: NO - 20901 /20 – 30./3.3

## SKUPŠTINA DRUŠTVA

**Predmet:** Obrazloženje prijedloga Odluke o odobravanju statuta zavisnih društava – rudnika uglja

Pravni osnov za donošenje Odluke o odobravanju statuta zavisnih društava – rudnika uglja sadržan je u odredbama člana 234. stav 1. tačka n) Zakona o privrednim društvima (Službene novine FBiH, broj: 81/15), te odredbama člana 62. stav 1. tačka 15. Statuta Javnog preduzeća JP Elektroprivreda BiH d.d. – Sarajevo, broj: SD-5211/16-38/2. od 29.03.2016. godine i broj: SD - 18295/18 - 51/5. od 19.07.2018. godine, kojima je propisano da skupština dioničkog društva, između ostalog, odlučuje i o odobravanju statuta supsidijarnih, odnosno zavisnih društava.

Uprava Društva je na 12. sjednici, održanoj dana 02.06.2020.godine, usvojila Akcioni plan za poboljšanje upravljanja ZD rudnicima uglja Koncerna EP BiH u kriznoj situaciji, broj: U-01-14018/20-12/4 od 02.06.2020. godine, koji je Nadzorni odbor podržao zaključkom broj 8. sa 24. sjednice Nadzornog odbora, održane 11.06.2020. godine. Akcionim planom su definisane aktivnosti i termin plan za pripremu teksta novih statuta zavisnih društava – rudnika uglja.

Uprava Društva je na 16. sjednici održanoj dana 25. i 26.06.2020. godine utvrdila model statuta rudnika uglja na koji je Nadzorni odbor Društva dao saglasnost na 26. sjednici održanoj dana 02.07.2020. godine.

U odnosu na važeće statute, izvršene su značajnije izmjene, koje su prevashodno rezultat opredjeljenja za ukidanjem nadzornih odbora u rudnicima, te smanjenja broja članova uprave ZD rudnika. U smislu naprijed navedenog, članom 303. stav 2. Zakona o privrednim društvima regulisano je da u društvu sa ograničenom odgovornošću koje nema nadzorni odbor njegova ovlaštenja vrše članovi društva. U cilju davanja optimalnog prijedloga upravljanja u zavisnim društvima - rudnicima uglja, uzimajući u obzir navedenu odredbu, kao i druge zakonske odredbe, dosadašnja ovlaštenja nadzornog odbora raspoređena su na Skupštinu Zavisnog društva, na odgovarajući način na Vladajuće društvo ili na direktora Zavisnog društva, uz saglasnost Vladajućeg društva.

U nastavku ukazujemo na najznačajnije izmjene u odnosu na do sada važeće statute zavisnih društava – rudnika uglja:

1. U cilju otklanjanja uočenih dilema u pogledu statusa ZD rudnika uglja, predlaže se izmjena naziva rudnika, tako da u imenu rudnika ne bude sadržana skraćena firma Vladajućeg društva, odnosno tekst JP Elektroprivreda BiH d.d. – Sarajevo (član 4.).
2. Odluku o davanju i opozivu prokure umjesto direktora ZD, uz saglasnost Vladajućeg društva donosi Skupština ZD (član 22.).
3. Statutom se uopće ne reguliše organizacija ZD, tako da se brišu odredbe kojima je bilo regulisano koji rudnici i pogoni čine ZD, te se samo ukazuje da ZD može imati podružnicu (član 24.), a navedno će biti uređeno Pravilnikom o organizaciji ZD koji donosi Skupština ZD.



Vilsonovo šetalište 15, 71000 Sarajevo, BiH,

Reg. broj: UF/I-392/04 Kantonalni sud Sarajevo  
Porezni broj: 4200225150005, PDV broj: 200225150005  
3389002208746755 - UniCredit banka d.d. Mostar  
1549212003366506 - Intesa SanPaolo banka d.d. BiH Sarajevo  
161000005160023 - Raiffeisen Bank d.d. BiH Sarajevo  
1990490176075902 - Sparkasse Bank d.d. BiH Sarajevo  
102050000090111 - Union Banka d.d. Sarajevo  
[www.epbih.ba](http://www.epbih.ba)

Podružnice Društva:

Hidroelektrane na Neretvi, Jablanica, J. Černija 1  
Termoelektrana «Kakanj», Kakanj, Čatići  
Termoelektrana «Tuzla», Tuzla, 21. aprila 4  
«Elektrodistribucija», Bihać, Bosanska 25  
«Elektrodistribucija», Mostar, Adema Buća 34  
«Elektrodistribucija», Sarajevo, Zmaja od Bosne 49  
«Elektrodistribucija», Tuzla, Rudarska 38  
«Elektrodistribucija», Zenica, Safvet bega Bašagića 6

4. Regulisano je da ZD ne može imati poslovnu tajnu prema Vladajućem društvu kroz odredbu: Vladajućem društvu će na njegov zahtjev biti dostavljene i informacije koje su proglašene poslovnom tajnom (član 27.).
5. U pogledu zabrane konkurencije, u odnosu na važeće statute prema kojim je bilo omogućeno sudjelovanje u konkurentnim djelatnostima uz odgovarajuću saglasnost, predlaže se da Direktor ZD, tehnički direktor, lica ovlaštena za tehničko rukovođenje, prokurist i druga rukovodeća lica ne smiju u tom svojstvu ili kao radnik u drugom društvu i kao samostalni poduzetnik sudjelovati u djelatnosti koja je ili bi mogla biti u konkurentnom odnosu s djelatnošću Društva (član 28.).
6. Nadležnost za donošenje trogodišnjeg plana poslovanja umjesto Nadzornog odbora ima Skupština ZD, s tim da je Direktor ZD obavezan prijedlog trogodišnjeg plana poslovanja dostaviti Vladajućem društvu na saglasnost (član 31.).
7. Kao bitno pitanje za poslovanje rudnika, a u vezi s odredbama Zakona o rudarstvu, kroz posebnu odredbu je regulisano pitanje zaštite na radu (član 33.).
8. Određen je kraći rok za dostavu poziva za Skupštinu ZD u hitnim slučajevima, umjesto pet, dva dana (član 36.).
9. Regulisano je pitanje odlučivanja Skupštine ZD bez sazivanja, što do sada nije bilo regulisano, te je određeno o kojim pitanjima Skupština ZD može odlučivati na ovaj način (član 37. i član 39. stav 3.). Razlog zbog kojeg za određena pitanja nije predviđeno odlučivanje Skupštine bez sazivanja uglavnom je potreba za prisustvom nadležnog notara Skupštini.
10. Dosadašnja ovlaštenja Nadzornog odbora koja su raspoređena na Skupštinu ZD (član 39.) su:
  - a) donosi dugoročni plan razvoja i planove poslovanja,
  - b) odlučuje o kupovini, prodaji, zamjeni, uzimanju u lizing, uzimanju kredita i drugim transakcijama imovinom, direktno ili posredstvom zavisnih društava, u toku poslovne godine u obimu od 15% i veće knjigovodstvene vrijednosti imovine ZD po bilansu stanja na kraju prethodne godine (dok je do sada Skupština odlučivala o ovim transakcijama samo u obimu većem od 33% knjigovodstvene vrijednosti imovine ZD),
  - c) imenuje i razrješava Direktora Društva,
  - d) odlučuje o davanju i opozivu prokure,
  - e) donosi odluku o osnivanju i prestanku podružnica,
  - f) donosi Pravilnik o organizaciji Društva,
  - g) odlučuje o imenovanju zastupnika Društva kada je tužilac Direktor u postupku za pobijanje i poništenje odluke Skupštine.

Pored ovoga, utvrđeno je dodatno ovlaštenje Skupštine da:

- odlučuje o mandatu Direktora Društva prilikom usvajanja godišnjeg izvještaja o poslovanju.

11. Iz Statuta ZD rudnika je izbrisana odredba kojom se utvrđuje obaveza za punomoćnika Vladajućeg društva da prilikom odlučivanja na Skupštini ZD mora imati prethodnu saglasnost Nadzornog odbora društva za određena pitanja. Naime, kako će, usljed ukidanja nadzornog odbora i sa smanjenim brojem članova Uprave, odgovarajući nadzor nad radom i poslovanjem rudnika vršiti djelimično Skupština



Vilsonovo šetaliste 15, 71000 Sarajevo, BiH,

Reg. broj: UF/I-392/04 Kantonalni sud Sarajevo  
 Porezni broj: 4200225150005, PDV broj: 200225150005  
 3389002208746755 - UniCredit banka d.d. Mostar  
 1549212003366506 - Intesa SanPaolo banka d.d. BiH Sarajevo  
 161000005160023 - Raiffeisen Bank d.d. BiH Sarajevo  
 1990490176075902 - Sparkasse Bank d.d. BiH Sarajevo  
 1020500000090111 - Union Banka d.d. Sarajevo  
[www.epbih.ba](http://www.epbih.ba)

Podružnice Društva:

Hidroelektrane na Neretvi, Jablanica, J. Černija 1  
 Termoelektrana «Kakanj», Kakanj, Čatići  
 Termoelektrana «Tuzla», Tuzla, 21. aprila 4  
 «Elektro distribucija», Bihać, Bosanska 25  
 «Elektro distribucija», Mostar, Adema Buća 34  
 «Elektro distribucija», Sarajevo, Zmaja od Bosne 49  
 «Elektro distribucija», Tuzla, Rudarska 38  
 «Elektro distribucija», Zenica, Safvet bega Bašagića 6

ZD, a djelimično Vladajuće društvo kroz obavezno prethodno zauzimanje stava o određenim pitanjima, ustanovljeno je da postoji potreba za detaljnim regulisanjem djelovanja Vladajućeg društva u tom kontekstu. Zbog toga se u Statutu ZD samo ukazuje da će posebnim aktom Vladajućeg društva biti uređeno za koje odluke će zavisnom društvu biti potrebna saglasnost nadležnih organa Vladajućeg društva, a tim aktom će precizno biti određeno o kojim pitanjima prethodno odlučuje, odnosno daje saglasnost Skupština Vladajućeg društva, o kojim Nadzorni odbor, te o kojim Uprava Vladajućeg društva.

12. Iz Statuta ZD je izbrisana odredba kojom se Skupština ZD obavezuje da dostavlja izvještaj o radu Vladajućem društvu. Međutim, članom 48. Statuta je utvrđena obaveza Direktora ZD da izvještava Skupštinu ZD i Vladajuće društvo, redovno i na njihov zahtjev.

13. U svrhu regulisanja pitanja vršenja nadzora nad ZD nakon brisanja odredbi kojima su bile regulisane nadležnosti Nadzornog odbora, Statutom ZD (član 42.) je određeno:

*Nadzor nad Društvom vrši Vladajuće društvo putem Skupštine Društva, organa Vladajućeg društva ili lica koje Vladajuće društvo ovlasti, u skladu sa posebnim aktom Vladajućeg društva.*

*Direktor je dužan osigurati neometan nadzor Vladajućeg društva i, pored izvještaja predviđenih zakonom i ovim Statutom, pripremati i druge izvještaje i informacije u formi i rokovima koje odredi Vladajuće Društvo.*

14. Odredbe Statuta kojima je bio regulisan rad Uprave ZD su na odgovarajući način prilagođene situaciji kada je jedini član Uprave – direktor ZD. Nadležnosti Direktora su u značajnoj mjeri proširene, obzirom da su sada članom 48. pod nadležnostima direktora obuhvaćene i nadležnosti Uprave i ranija posebna ovlaštenja Direktora.

Određene nadležnosti Direktora ZD predstavljaju dosadašnja ovlaštenja Nadzornog odbora, obzirom da po logici stvari isto nije bilo moguće rasporediti na Skupštinu ZD ili Vladajuće društvo:

- a) podnošenje Vladajućem društvu izvještaja o poslovanju po polugodišnjem obračunu sa bilansom stanja i bilansom uspjeha i izvještajem revizije,
- b) podnošenje Skupštini Društva, uz saglasnost Vladajućeg društva, i Odboru za reviziju Vladajućeg društva godišnjeg izvještaja o poslovanju koji obavezno uključuje finansijski izvještaj i izvještaje revizora,
- c) predlaganje načina pokrivanja gubitka,
- d) priprema prijedloga raspodjele dobiti,
- e) predlaganje Skupštini kupovine, prodaje, zamjene, uzimanja u lizing, uzimanja kredita i drugih transakcija imovinom, direktno ili posredstvom zavisnih društava, u toku poslovne godine u obimu od 15% i veće knjigovodstvene vrijednosti imovine Društva po bilansu stanja na kraju prethodne godine,
- f) predlaganje osnivanja i prestanka podružnica.

Obzirom da se radi o zakonskim ovlaštenjima nadzornog odbora, a kako ista po prirodi stvari nije bilo moguće rasporediti na Vladajuće društvo, kao člana ZD, sva naprijed navedena ovlaštenja, osim tačke a), Direktor ZD vrši uz saglasnost Vladajućeg društva.

15. Direktoru ZD su određena i neka dodatna ovlaštenja i nadležnosti (član 48.):

- a) izvještavanje Skupštine ZD i Vladajućeg društva, redovno i na njihov zahtjev,



Vilsonovo šetalište 15, 71000 Sarajevo, BiH,

Reg. broj: UF/I-392/04 Kantonalni sud Sarajevo  
Porezni broj: 4200225150005, PDV broj: 200225150005  
3389002208746755 - UniCredit banka d.d. Mostar  
1549212003366506 - Intesa SanPaolo banka d.d. BiH Sarajevo  
1610000005160023 - Raiffeisen Bank d.d. BiH Sarajevo  
1990490176075902 - Sparkasse Bank d.d. BiH Sarajevo  
102050000090111 - Union Banka d.d. Sarajevo  
[www.epbih.ba](http://www.epbih.ba)

Podružnice Društva:

Hidroelektrane na Neretvi, Jablanica, J. Černija 1  
Termoelektrana «Kakanj», Kakanj, Čatići  
Termoelektrana «Tuzla», Tuzla, 21. aprila 4  
«Elektro distribucija», Bihać, Bosanska 25  
«Elektro distribucija», Mostar, Adema Buća 34  
«Elektro distribucija», Sarajevo, Zmaja od Bosne 49  
«Elektro distribucija», Tuzla, Rudarska 38  
«Elektro distribucija», Zenica, Saftet bega Bašagića 6

- b) provođenje preporuka Odbora za reviziju Vladajućeg društva, Odjela za internu reviziju Vladajućeg društva i vanjskog revizora u vezi sa uočenim nepravilnostima, kao i drugih preporuka Vladajućeg društva i izvještavanje Vladajućeg društva o primjeni datih preporuka,
- c) provođenje odluka Skupštine i akata Vladajućeg društva,
- d) saradnju sa internom kontrolom i Odjelom za internu reviziju Vladajućeg društva,
- e) pripremu i predlaganje akata koje donosi Skupština Društva,
- f) donošenje Pravilnika o nabavkama i nadziranje njegovog provođenja,
- g) donošenje Pravilnika o zaštiti na radu,
- h) donošenje i drugih opštih i pojedinačnih akata,
- i) podnošenje Vladajućem društvu izvještaja o donesenim opštim aktima iz svoje nadležnosti,
- j) provedbu Etičkog kodeksa i osiguranje da sva odgovorna lica postupaju u skladu s Etičkim kodeksom, tako što će se protiv lica koja krše navedeni Kodeks provesti odgovarajući postupak,
- k) imenovanje i razrješavanje tehničkog direktora, ,
- l) postupanje u skladu sa odredbama Ugovora o vođenju poslova,
- m) čuvanje dokumenata utvrđenih zakonom i Statutom.

16. U pogledu prokure, članom 48. stav 5. Statuta utvrđeno je da Direktor ZD nadležnosti i ovlaštenja iz stava (1) ovog člana vrši zajednički sa prokuristom, ukoliko je Društvo imenovalo prokuristu.

Na ovaj način Direktor ZD sva svoja ovlaštenja može vršiti isključivo sa prokuristom, dok prokurista ima sva ovlaštenja na osnovu odluke Skupštine ZD kojom se daje prokura, kao i posebne odluke Skupštine ZD, te ista može vršiti samostalno, u skladu sa zakonom. Zakonom o privrednim društvima prokura je određena kao pisano ovlaštenje za poduzimanje svih pravnih radnji i poslova u ime i za račun društva, osim prijenosa i opterećenja nekretnina, ako ovlaštenje za to nije posebno i izričito navedeno. Ograničenje prokure koje nije predviđeno ovim Zakonom nema učinka prema trećim licima.

17. Dopunjeni su razlozi za razrješenje Direktora prije isteka mandata (član 52.), tako da se kao razlog navodi i:

- da Društvo u toku jedne poslovne godine, tri mjeseca koja ne moraju biti u kontinuitetu, ne ostvaruje planirane ciljeve i rezultate poslovanja utvrđene Planom poslovanja i aktom Vladajućeg društva,
- prestanak mandata o kojem je odlučila Skupština prilikom razmatranja godišnjeg izvještaja o poslovanju.

Pored ovoga, kao razlog za razrješenje Direktora prije isteka mandata, upućuje se i na nastupanje razloga iz člana 56. ovog Statuta, kojom odredbom su regulisani razlozi za razrješenje odgovornih lica po skraćenom postupku.

18. Reguliše se pitanje glavnog tehničkog rukovođenja i tehničkog rukovođenja, u skladu sa Zakonom o rudarstvu, te se utvrđuje da glavno tehničko rukovođenje obavlja tehnički direktor, kao posebna funkcija u Društvu (član 54.).

19. Utvrđuje se dodatna obaveza Direktora ZD u pogledu provođenja nadzora nad provedbom Etičkog kodeksa i akata o nabavkama, u smislu obaveze da bez odlaganja pokrene procedure za utvrđivanje odgovornosti odgovornog lica, neovisno od podnošenja izvještaja o nabavkama Vladajućem društvu (član 72.).



Vilsonovo šetalište 15, 71000 Sarajevo, BiH,

Reg. broj: UF/I-392/04 Kantonalni sud Sarajevo  
 Porezni broj: 4200225150005, PDV broj: 200225150005  
 3389002208746755 - UniCredit banka d.d. Mostar  
 1549212003366506 - Intesa SanPaolo banka d.d. BiH Sarajevo  
 1610000005160023 - Raiffeisen Bank d.d. BiH Sarajevo  
 1990490176075902 - Sparkasse Bank d.d. BiH Sarajevo  
 1020500000090111 - Union Banka d.d. Sarajevo  
[www.epbih.ba](http://www.epbih.ba)

Podružnice Društva:

Hidroelektrane na Neretvi, Jablanica, J. Černija 1  
 Termoelektrana «Kakanj», Kakanj, Čatići  
 Termoelektrana «Tuzla», Tuzla, 21. aprila 4  
 «Elektrodistribucija», Bihać, Bosanska 25  
 «Elektrodistribucija», Mostar, Adema Buća 34  
 «Elektrodistribucija», Sarajevo, Zmaja od Bosne 49  
 «Elektrodistribucija», Tuzla, Rudarska 38  
 «Elektrodistribucija», Zenica, Safvet bega Bašagića 6

20. Pitanje obavljanja nedopuštenih aktivnosti ZD (član 73.) je djelimično korigovano, tako da:
- ZD može davati donacije samo uz saglasnost Vladajućeg društva, dok je ranije bilo u skladu s odlukom Nadzornog odbora,
  - zavisnom društvu nije dopušteno zaključivanje ugovora o raspolaganju suprotno odredbama Statuta i ugovora o vođenju poslova, dok je prema važećem Statutu potreban potpis Direktora ZD i drugog člana Uprave.
21. Za ograničene aktivnosti ZD (član 74.), za koje je do sada ovlaštenje davao Nadzorni odbor, potrebna je saglasnost Vladajućeg društva. Ograničene aktivnosti su dopunjene posebnom tačkom:
- *druge aktivnosti za koje je, u skladu sa ovim Statutom, Ugovorom o vođenju poslova i posebnim aktom Vladajućeg društva, utvrđeno da je potrebna saglasnost Vladajućeg društva.*
22. U pogledu opštih akata ZD, precizno je određeno da Skupština ZD donosi Statut, Etički kodeks, Pravilnik o organizaciji i Poslovnik o radu, dok Direktor ZD donosi sve pravilnike koje ne donosi Skupština Društva (član 79.). Kako je članom 62. Statuta ZD predviđeno da će posebnim aktom Vladajućeg društva biti utvrđeno koji opći akti Društva ne smiju biti u suprotnosti sa odgovarajućim aktima Vladajućeg društva, u postupku provjere usaglašenosti i utvrđivanja da akti ZD nisu u suprotnosti sa aktima Vladajućeg društva, Vladajuće društvo će na odgovarajući način zapravo davati saglasnost na akte koje donosi Direktor društva.
23. U prelaznim i završnim odredbama Statuta se predviđa razrješavanje članova nadzornog odboradanom početka primjene novog Statuta. Članom 86. je određeno da se Statut primjenjuje od datuma koji će odrediti Skupština Vladajućeg društva u aktu o odobravanju Statuta.

Obzirom da su svi statuti zavisnih društava – rudnika uglja već doneseni, te obzirom na naprijed navedene odredbe Zakona o privrednim društvima, kao i odredbe Statuta JP Elektroprivrede BiH d.d. – Sarajevo, da bi predmetni statuti zavisnih društava stupili na snagu neophodno ih je odobriti od strane Skupštine Društva.

Odlukom o odobravanju statuta zavisnih društava – rudnika uglja je predviđeno da statuti stupaju na snagu osmog dana od dana njihovog odobravanja od strane Skupštine JP Elektroprivreda BiH d.d. – Sarajevo, te da početak primjene statuta bude 16.09.2020. godine ( 15 dana od odobravanja statuta, koji period je potreban za zakazivanje skupštine rudnika), za koji dan je planirano da budu zakazane skupštine rudnika uglja na kojim bi se razrješili dosadašnji članovi uprave ZD rudnika uglja i imenovali vršiooci dužnosti direktora rudnika uglja. Odlukom je predviđeno ovlaštenje Nadzornom odboru Društva da, u slučaju potrebe, posebnom odlukom utvrdi drugi datum početka primjene statuta rudnika uglja.

Nadzorni odbor Društva je na prijedlog Uprave Društva, na 30. sjednici održanoj dana 12.08.2020. godine, utvrdio prijedlog Odluke o odobravanju statuta zavisnih društava – rudnika uglja, te isti dostavlja Skupštini Društva na donošenje.

  
Predsjednik  
Nadzornog odbora  
dr.sci. Izet Žigić



Vilsonovo šetalište 15, 71000 Sarajevo, BiH,

Reg. broj: UF/1-392/04 Kantonalni sud Sarajevo  
Porezni broj: 4200225150005, PDV broj: 200225150005  
3389002208746755 - UniCredit banka d.d. Mostar  
1549212003366506 - Intesa SanPaolo banka d.d. BiH Sarajevo  
1610000005160023 - Raiffeisen Bank d.d. BiH Sarajevo  
1990490176075902 - Sparkasse Bank d.d. BiH Sarajevo  
1020500000090111 - Union Banka d.d. Sarajevo  
[www.epbih.ba](http://www.epbih.ba)

Podružnice Društva:


Hidroelektrane na Neretvi, Jablanica, J. Černija 1  
Termoelektrana «Kakanj», Kakanj, Čatići  
Termoelektrana «Tuzla», Tuzla, 21. aprila 4  
«Elektro distribucija», Bihać, Bosanska 25  
«Elektro distribucija», Mostar, Adema Buća 34  
«Elektro distribucija», Sarajevo, Zmaja od Bosne 49  
«Elektro distribucija», Tuzla, Rudarska 38  
«Elektro distribucija», Zenica, Safvet bega Bašagića 6



**PRIJEDLOG ODLUKE**

koga Skupštini Društva u niže izloženom tekstu radi donošnja upućuje:

**Nadzorni odbor**  
JP Elektroprivreda BiH d.d. - Sarajevo  
Predsjednik

  
Dr. sci. Izet Žigić  
Sarajevo, 12.08.2020. godine

Na osnovu člana 234. tačka n) Zakona o privrednim društvima („Službene novine Federacije Bosne i Hercegovine“, broj: 81/15) i člana 62. tačka 15. Statuta Javnog preduzeća Elektroprivreda Bosne i Hercegovine d.d.-Sarajevo, broj: SD-5211/16-38/2. od 29.03.2016. godine i broj: SD - 18295/18 - 51/5. od 19.07.2018. godine, \_\_\_\_\_ Skupština Javnog preduzeća Elektroprivreda Bosne i Hercegovine d.d. - Sarajevo je, dana \_\_.\_\_. 2020. godine, donijela

**ODLUKU**

o odobranju statuta  
zavisnih društava-rudnika uglja

**Član 1.**

Ovom Odlukom se odobravaju statuti zavisnih društava-rudnika uglja, koje su skupštine zavisnih društava - rudnika uglja donijele i to:

- a) Rudnik uglja „Kreka“ d.o.o. Tuzla broj: S-1766/20-79./2. od 03.08.2020. godine,
- b) Rudnik uglja „Gračanica“ d.o.o.- Gornji Vakuf - Uskoplje broj: SD - 02-358/20 od 15.07.2020. godine,
- c) Rudnik mrkog uglja „Kakanj“ d.o.o. - Kakanj broj: 01/SD-1-9067/20 od 21.07.2020. godine,
- d) Rudnik mrkog uglja „Breza“ d.o.o. - Breza broj: 01/SD-1-14/20 od 20.07.2020. godine,
- e) Rudnik mrkog uglja „Đurđevik“ d.o.o. - Đurđevik, broj: S-01-5625/20 od 20.07.2020. godine,
- f) Rudnik mrkog uglja „Zenica“ d.o.o. - Zenica broj: SD -94/2-12167/20 od 20.07.2020. godine i
- g) Rudnik mrkog uglja „Abid Lolić“ d.o.o. - Travnik - Bila broj: S-6351/20 od 20.07.2020. godine.

**Član 2.**

Ovom Odlukom se daje saglasnost skupštinama zavisnih društava rudnika uglja da izmijene statute navedene u članu 1. ove Odluke, u cilju usklađivanja osnovnog kapitala s odlukama o povećanju kapitala koje su donesene nakon donesenih statuta i kapitalom upisanim u registru privrednih društava.

**Član 3.**

Statuti iz člana 1. ove Odluke stupaju na snagu osmog dana od dana odobranja, a primjenjuje se od 16.09.2020. godine.

Daje se ovlaštenje Nadzornom odboru JP Elektroprivreda BiH d.d. – Sarajevo da, u slučaju potrebe, posebnom odlukom utvrdi drugi datum početka primjene statuta zavisnih društava-rudnika uglja iz člana 1. ove Odluke.

#### **Član 4.**

Ova Odluka stupa na snagu danom donošenja.

Broj: SD-\_\_\_\_\_/20 -  
Sarajevo, \_\_\_\_\_.2020. godine

Predsjednik  
Skupštine Društva